



092266

人海記



人海記目錄

卷上

漢官給俸

內閣墨判

都下早蔬

北方無笋

滿漢兵餉

旗下莊子

省陝西絨褐

人海記

目錄

順天鄉試官員

吏兵月選

改朝鮮印

西洋生日

萬歲山白塔

四川開利

宋獻策

貢士閱落卷

世祖論宜興

臺省拾遺

八旗分駐

沙果

牛豕

滿洲考試

溧陽死地

世祖受賀

一

滿洲編檢

順治封誥

出繼為本生喪

回回歲朝

元旦堂祭

開河舟阻

後湖冊

翰林外轉

總兵兼銜



定水帶

石鼓字數

于經墓

護駕松

宏光佛閣

鮑公寺白松

秘魔崖古柏

大功德寺

吏部楹帖

西洋畫

海運道里

海運標識

選庶吉士

鹿園

寶坻銀魚

蘆溝橋石獅

懸題草

長平公主

人海記

目錄

二

續文獻通考

衡術

惠世揚

節慎庫元寶

左蘿石遇害

大隆普寺

于忠肅祠

八功德水

各省湯泉

明朝諸陵

北京廣寒殿

桑乾河塔

煖鋪

蘇州冰廠

堂聯

宋文貞碑

活築惰工

大藤鼓

西苑松檜

文廟古柏

天壇榆錢

報國寺矮松

古槐

昌平古槐

樓桑邨

鷹爪碑

採參

大內瓜子

旱金蓮花

各省貢茶

龍生九子

張真人侍兒

龍朝璽書

龍涎香

禁織蟒

脆蛇

人海記

目錄

三

八梢魚

布衣獻鱖魚

齊東野蠶

鷓鴣米

西苑獅

明孝陵享殿

鄭貴妃

周后田妃

徐妙錦

宜興賜死

張敬修遺辭

歲朝春楹帖

戊祭

四明中秋宴

朔望行香

海岱門火藥

二雨辨

日本小厝

石經山藏經

二郎神

泰山之高

飛來峯佛像

入蜀三谷四道

甲申京師之變

中書自經

福藩監國

宏光年號

馬士英忌史

燕京從逆

阮大鍼復川

馬阮孔昭誤國

韓贊周

黃樹

偽太后

劉念臺

宏光演劇

人海記

目錄

四

南都選宮

宏光朝謠聯

倪爲丁許

四鎮

戶上書圈

楊文驄

童妃

方國安敗降

士英首逃

金正希

徐冢宰

東明寺異人

洪武科舉

雲貴開利

歲貢恩貢

教習之始

弛會試禁

選館概課

第一場五義

嘉靖禮部條約

正副主考分閱

李九我

殿試策進呈

鄉試差京官

典試差主事

韓敬不達

巡撫監場

斷么絕六

朱文恪主禮闈

廷試誤筆

會元另封進呈

明朝宗室進士

同姓名張銓

莆田科甲之盛

鄉報急足

選歷科程墨

人海記

目錄

五

會試同門房刻

一甲三人御批

鄉會試錄序

卷下

滋陽祀宗聖

李襄敏詩兆

御史乘轎

朱良育

余有丁

臧少保祠

唐文恪諡

吳文定格言

朱相國氣象

偽書

雲麾將軍碑

宋潛溪集

鄭所南心史

空同刻淵明集

國朝人物編

毀論一炬

刊史糜金

明雋

陳文憲正史

西泠社事

陳植之佳句

嘉靖諸公掠美

藏書之厄

牧齋明史

黃石齋著纂

程奎絕句

盧岐疑引典

李空同文

元字避諱

陳張後裔

人海記

目錄

六

鐵券

明制宮銜

外國詔敕

選察之首

占籍

學宮易主

征南將軍印

城門禁出柩

入城治喪

宋景濂遷葬

文臣封贈

京師提學

宗伯出身

景皇帝園

建文帝葬處

漕船額數

南京貢船

白糧



松江細布

松江布輸京

譚命移贈

閣臣賜蟒

北京宮殿災

祖宗御容

暹羅貢白象

朱文恪臚傳

傳戴燮耳

韓城坐贓

燈市

瓷瓶二百金

殯殿九蓮

武舉議

元大內

興隆寺八景

北方山藥

大房牡丹

人海記

目錄

七

宣德紙

千葉杏

阜城門西寺觀

興勝寺

阮大鍼暴死

馬士英伏誅

南渡三疑案

廷杖

劉李量狹

顧東江楹帖

殿試不斥落

論文

明初文臣無諡

李林甫

元佑黨籍

清慎勤

強景明詩

張子醅

奏草母多母文

胡廣有愧科名

判葬再嫁婦

掌記不修怨

卻餽茶葉

麥糲畱客

明武宗祭文

內侍讀書識字

州縣戒石文

世宗忘刻石之言

一榜三忠臣

天子作臣下碑

御史言事關白

左良玉犯闕

楊顯二張交情

楊森

上羨金

廠衛

人海記

目錄

八

安慶設巡撫

請建四輔

王元翰

典試迴避本省

貝勒

蒙古土語

修齋

吏部選郎變例

北京廊房

宮莊子粒

嬾子府

明朝耕田禮

棋炒

女驕夫

夢戶

鴛鴦

大臣賜第京師

講官賜金錢

翰林院積沙

六科廊

銅匱酒榼

捕蝦臺

三代尚書

十知貢舉

舉人衫

戰具斤兩

不樂為教官

寶誌瘞所

聽經樓

附學

諡法

持笏

蔭襲巾

射柳

殿試改期

蜂化促織

人海記

目錄

九

貓王

改印

外戚封王

走解

六科內府

草料馬數

軍數非外人與知

太子冠禮

瓊林宴盡七杯

秘閣

南內藏書

尸孫衣

劉瑾時狀啓

庶吉士呈文

年號犯前代

髑髏築臺

稱老師

京察

試差正副變例

鶴坡楚濱

私鹽之禁

科場例式之始

刊策刊經文

許襄毅上京

分宜時檢討

殿試出榜變例

禮闈女嬰

東直門異

太白經天

引水限馬足

本朝禁申宮殿門名

本朝內監數目

榆莢

湯泉御札

夜光木

猴頭蕨菰

人海記

目錄

蟠木

湯泉上諭

蒙古鹽鐵

口外行宮

塞山毒草

椴樹

細鱗魚

駱駝

帳殿帳房

烏喇柰

蒙古無名水

落葉松

黃羊

虎乙

野豬

熊

鹿

哨鹿

鹿茸

山雉

飛狐

蜥蜴

松癭

順風耳

空青

塞外山果

戶部西庫書

殿試武舉

開爐節

考督學臣

元旦朝儀

暢春苑直廬

西苑烟火

進士釋褐

聖祖論醫

萬首唐人絕句

人海記

目錄

十一

經筵

廣仁殿

唐六如水村圖

聖祖算學

鄭世子

十種蒲桃

賜物年例

內府書畫

龍鰓

閱視羣牧

興安至暢春苑站數

沙蓬

蓋草

編檢補科

南宮變局

館選之嚴

丙戌館選

草木可當茗飲

地棋

詞臣帳房

烏喇哈帶東

裁進士牌坊銀

韻府羣玉

明月錢

玉洒海

南海涎

人海記

目錄

三

右人海記二卷計三百九十七條吾邑查  
初白先生著向未刊行幼時收得一敗帙  
斷爛叢雜兼多魚豕之訛思覓善本以相  
校讎迄不可得藏篋衍者幾二十年比歲  
需次楚南旅邸多暇因爲詳加檢閱訂正  
謬字手自繕寫以付梓人惟湯泉 御札  
中有闕文敬謹空白及明陵添設守備於  
康熙二十□年選歷科程墨錢唐人錢穀  
□試差正副變例侍□羅萬化阿哥下太  
監六十□雍安嶺上多白沙故名□數  
條內缺字特援夏五郭公之例未及考證  
良慙淺陋博雅君子幸進而教之咸豐元  
年歲次辛亥海昌張士寬識於長沙客舍

人海記

目錄

三

人海記目錄

人海記卷上

海昌查慎行悔餘編輯

同邑張士寬柔之校刊

蘇子瞻詩云惟有王城最堪隱萬人如海  
一身藏與東方曼倩陸沈金馬之意略同  
余自甲子夏北游太學又九年舉京兆秋  
試又十年唱第南宮其後供奉 內庭者  
七年從事書局者三年迨癸巳夏移疾乞  
歸年已六十有四矣通計三十年來客居

人海記

卷上

一

京師歲月過半其間耳目聞見隨手綴錄  
零丁件系不下數百條雪窗檢點哀集成  
卷命曰人海記

漢官給俸

本朝初年滿洲官員支俸不支薪漢官則俸薪  
並支順治甲午停秋冬二季俸有以停俸不停  
薪請支折薪銀者以薪後於俸也如四品官季  
給薪三十金俸纔二十金耳內院不許謂滿洲  
方在此論薪俸何得濫也明年漢官但給俸不



給薪矣朱右君司空云

### 臺省拾遺

故事舉行計典後臺省例有拾遺順治丙戌部院大計羣吏止據撫按所揭以黜陟臺省欲循故事內大臣不欲也陳深陽方主之深陽陳名夏國初拜臺省拾遺奏上多被反坐己丑大計鑿前事雖有糾拾亦僅耳其後遂停吾邑楊少司馬建爲副憲時復請舉行拾遺格於部議不果督撫之權漸重矣

人海記

卷上

二

### 內閣墨判

內閣判日俱用墨筆以票旨硃筆避尊也此制起於明朝但外而九列至斗食之吏皆硃批獨不嫌僭上何也

### 八旗分駐

八旗官兵內城分駐之地 國初各有地界正黃旗則正陽門鑲黃旗則東直西直二門正藍旗則宣武門鑲藍旗則崇文門正紅旗則德勝門鑲紅旗則阜城門白旗則朝陽門卽齊化門鑲白

旗則安定門

都下早蔬

漢大官園種冬生韭蔥菜茹晝夜燃蘊火待溫氣乃生事見漢書召信臣傳今都下早蔬卽其法蓋明朝內豎不惜厚直以供御庖嘗聞除夕市中有賣王瓜二枚者內官過問其價索百金許以五十金市者大笑故噉其一內官亟止之所餘一枚竟售五十金而去

沙果

人海記

卷上

三

吾鄉呼林擒爲花紅北人呼爲沙果又柰似林擒而小北人曰虎喇攢

北方無筍

北方無筍惟冬筍用茅竹筒封貯從江南馬上販鮮十餘日到京每斤價直四五百錢春夏之交食蘆蒲芽總名爲筍詩云維筍及蒲則蒲與筍故當有別

牛糸

佐領卽牛糸也秩如明朝千戶專管戶籍秩雖

卑凡位居公侯伯者並俯聽其派撥亦猶縣令之轄鄉紳

滿漢兵餉

滿洲八旗騎兵月餉七兩五錢步兵三兩四錢綠旗騎兵月二兩步兵一兩五錢城守兵月一兩水司同逢月小盡扣銀五分謂之朋椿官馬斃則以此項買補凡騎兵止給官馬鞍轡自備

滿洲考試

滿洲子弟入學倡於順治辛卯壬辰時范文程

人海記

卷上

四

當國初試百四十人入庠歲考止三等上者資

絹二疋其赴科舉初場止二義廣寧楊方興山

陰沈文奎並解元麻勒吉爲狀元麻勒吉後改名馬中驥

另爲一榜戊戌以後乃列名漢人榜間亦有成

七義者矣戊戌以後池北偶談作庚戌癸丑以後

旗下莊子

初徙入旗圈順天永平保定河間之田凡腴畝善宅俱歸旗下謂之莊子順治癸巳以水災四府莊子俱荒欲改圈眞定順德廣平大名地戶

部持之不行

溧陽死地

溧陽相國以甲午三月賜死時年五十宣武門內靈官殿乃杜郵之地也

省陝西絨褐

陝西織造絨褐 本朝初年設有專員順治辛卯始省以此項錢糧充餉

世祖受賀

世祖章皇帝於甲申十月朔入燕甫七歲是日

人海記

卷上

五

一御殿自後元旦萬壽卽俱免朝賀至庚寅正月朔始御殿受賀

順天鄉試官員

順天鄉試初用考試官四員內滿洲二人主八旗蒙古應試者後止二員並用漢人

滿洲編檢

滿洲編檢視漢臣俱晉一品而於滿人爲卑以滿官止七品也

吏兵司選

吏兵二部每月選期舊於天安門外兩廊設矮几鋪紅毡席地而坐尙書二人正面吏部西向兵部東向侍郎傍列其餘司官筆帖式以次排比選人於前唱名掣籤今兩廊列牆屋各官皆露坐

順治封誥

順治甲午正月始頒文武諸臣制誥封贈八旗勳衛數萬人其祖父之名類皆闕失意不欲制詞漢官力爭之於是內院擇坊局史官十六人入海記

卷上

六

分撰自一二品始一品限十二句二品十句三品八句句各四字不用故實

改朝鮮印

順治癸巳三月廿五日改鑄朝鮮國王印兼滿漢文以從前止漢篆也

出繼爲本生喪

出繼之子離任爲本生父母治喪自北平朱右君諱之弼先生始先生時官戶部侍郎其後大臣遂援爲例

西洋生日

西洋人生日不論本誕如立春日生其日無定期或十二月或正月遇此節卽是也

回回歲朝

回回人雖在中國不奉正朔自有回回歷不限十二月爲一年別有歲朝每年不同己丑八月初三日爲羣聚慶會之期余在都下親見之

萬歲山白塔

皇城西苑萬歲山上以西僧言建白塔三層形

人海記

卷上

七

如瓶按元世祖至元二十八年五月丁巳從楊連真伽之請於臨安建白塔二各高一丈二尺以居呪師朵四的性吉等七人其事本此

元旦堂祭

每歲元旦昧爽未謁 太廟先上堂祭乃鄧將軍廟也在朝門之巽隅庭列劍戟自 車駕外侍從皆匍匐而入非親暱者不得隨行按鄧諱子龍南昌人萬曆中副總兵

四川開科

四川開科始順治辛卯解額七十二人喪亂之後舉子止二百餘人主司駐保寧寓試道士院時有亭溪之警急於竣事二三場併日

### 開河舟阻

開河舟阻官舫於總河處求給讓行牌以先商賈今無此例矣

### 宋獻策

永城人宋獻策明末賣卜燕市遇李自成拜國師導之入都自成敗後滿洲重其術隸旗下其人至康熙初年乃死

人海記

卷上

八

### 後湖冊

南京後湖貯各省戶口田糧冊有明終始計一百七十萬本南渡後用以造甲點火藥至本朝僅存萬歷間及崇禎五年者朝議謂每本四五斤鬻之可得四五萬緡

### 貢士闕落卷

貢士闕落卷自順治乙未始時禮科議南卷十中其一而江西僅七人物議藉藉於是大總裁

金之俊等奏落卷貶於順天府許貢士赴闕限  
六日內不得領回前此未之聞也

翰林外轉

翰林外轉順治乙未九月始行之編檢則范周  
沈荃盧高湯斌耿介崔之瑛馬燧曾等少詹以  
下開坊以上則黃志遴楊思聖王舜年藍潤王  
无咎陳爨等共十八人皆以品行清端才猷贍  
裕各照外轉陞一級遇缺卽補康熙戊辰編檢  
汪楫丁廷樾李濤三人以知府用辛未冬少詹  
人海記

卷上

九

徐潮轉通政司侍讀吳會恩轉光祿少卿侍講  
熊賜瓚轉大理寺丞高裔勵杜訥俱轉通政參  
議宮坊李應鷹轉太常寺少卿周清源轉參議  
司業吳涵轉參議

世祖論宜輿

世祖常言明朝之亡由周延儒馮涿州少子娶  
宜輿從女初頗爲解上不以爲然又問延儒有  
子官翰林今安在銓跪對曰庶吉士周奕封非  
延儒子也時奕封請假在籍乙未秋還朝俄除



知縣乃涿州希旨外之也

總兵兼銜

各鎮總兵官銜帶都督同知或僉事在明朝有五軍都督府故也今都督府已裁而總兵仍兼此銜甚屬無謂

定水帶

正陽門外窮市有古鐵長三寸許衡二寸形若革帶中空外鏽而背隱起釘如鼓不甚可辨一日高麗使見之售以五十金云此定水帶也禹人海記

卷上

十

治九州作九帶此其一也若航海之水鹹不可飲投以帶立甘冽故貴耳市中好事者隨至會同館汲苦水石餘投鹽數斤揉之使濁乃投帶於中沸涌作魚眼數十少頃味極甘冽

明季事

石鼓字數

太學石鼓文舊六百五十七字元至元中存者三百八十六字今所存字但三百二十五而已

于經墓

西山碧雲寺俗名于公寺寺後爲正德大璫于

經墓土木華麗凡賜祠五多耐冢中央豐碑二  
道正面無文其碑陰詳刻魏忠賢爵里姓名意  
殊駭詢之守僧云忠賢名下蘇應宣或云葛九思嘗  
被掠於建州從 本朝入燕葬其衣冠於此余  
憤甚直前溲之時與朱大司空同游公不以我  
爲狂也 按碧雲寺忠賢重修天啓三年少師  
葉向高撰記禮部尙書會稽錢象坤篆額今碑  
磨去象坤姓名意作相時事也福清記中亦頗  
稱許魏氏

人海記

卷上

十一

護駕松

香山永安寺來青軒額明神宗手書軒之前有  
山突起金章宗祭星臺也下有護駕道松覆之  
稱護駕松今尙存其一

宏光佛閣

宏光寺在香山絕頂永樂間太監鄭和建和朝  
鮮人泗使本國中有佛閣形圓而八觚云東國  
之制

鮑公寺白松

去香山二里許爲鮑公寺亦內官墓中有白松  
八株圍皆三抱掩映殿宇人行其下衣上不見  
日色

秘魔崖古柏

盧師山清涼寺中秘魔崖古柏一株長可尺許  
橫出石縫不彫不榮云盧師手植也石經山亦  
有古柏一萬歷初上過之御書靈根古柏四字  
大功德寺

大功德寺舊名護聖寺直金山口與景陵相近

人海記

卷上

三

宣德朝雪峯大覺禪師駐錫於此宣帝御賜詩  
當年天下選高僧獨取尊師第一名卽指雪峯  
也園陵自景皇帝外又有懷獻悼恭哀忡莊敬  
憲懷獻懷悼懷故太子七衛許忻申蔚岳景穎  
戚薊均靖邠簡懷悼故王十六殤主二十六仁  
宗妃三宣宗妃一英宗妃憲宗妃十二按史皆  
葬金山與景陵相屬凡五十三園今不可別識  
矣

談舊木

吾邑談孺木先生畱心明朝典故不以詩名然  
其北游集中如過文信公祠七律一聯若云丞  
相宜全節敢謂書生合出山過陳深陽里第云  
往事恩仇虛偃月新編賢否總銷魂陳餘劄頸  
交何在范蠡扁舟事可行過惠安伯張氏墓云  
翁仲似人能化石杜鵑本鳥不離枝贈王元照  
太守云縱寫青山非舊日翠微雲亂夕陽中過  
梅村先生值金壇王友三感舊云衣冠王謝多  
何益門戶胥原大可憂南宋朝廷終覺小中原

人海記

卷上

三

經濟亦難尊贈湯道末太常云休屠祭後全非  
像博望歸時不待檉除夕云春兼臘月人歸少  
寒倍燕京客受多如此之類皆名句也

吏部楹帖

吏部楹帖明萬厯初冢宰錢塘張瀚立功名身  
外事大就何妨小就何妨富貴眼前花早開也  
得晚開也得

西洋畫

西洋畫以胡桃油漬絹抹藍或綠或黑後加聚

言不用白地

海運道里

海運道里詳梁太宰夢龍集中自淮安府至安東縣九十里安東至馬洛關五十里馬洛至蘆浦四十里蘆浦至楊寨四十里楊寨至白沙關二十里白沙至雲梯關二十里雲梯至淮河套六十里淮河套至大海東洲山百二十里東洲山至高公島三十里高公島至鷹游山三十里鷹游山至盧溝所十五里盧溝所至青口六十里青口至興莊五十里興莊至東流所一百里東流所至濤洛場三十里濤洛至信陽場百二十里信陽至齊堂島四十里齊堂至靈山島九十里靈山至竹槎島五十里竹槎至浮島四十里浮島至灣島六十里灣島至鼇山管島三十里管島至田橫島七十里田橫島至欽島十里欽島至青島百二十里青島至海洋所灰島七里灰島至炕兒島十八里炕兒至元城島百二十里元城至雙駝埠二十里雙駝埠至寧津所

人海記

卷上

四

八十里寧津至成山衛五十里成山至青雞島  
六十里青雞至羅山所五十里羅山至威海衛  
四十里威海至劉公島五里劉公島至寧海州  
七十里寧海至空空島五十里空空島至奇山  
所三十里奇山至海山縣三十里海山至登州  
新海口八十里新海口至沙門島六十里沙門  
至桑島五十里桑島至萊州岬岬島四十里岬  
岬島至三山島八十里三山島至芙蓉島五十  
里芙蓉島至海倉一百里海倉至魚兒鋪十里

人海記

卷上

十五

魚兒鋪至白浪河五十里白浪至八溝河五十  
里八溝至小清河二十里小清河至清河五十  
里清河至絲網口十里絲網口至江岔十里江  
岔至大口子四十里大口子至大清河十里大  
清河至唐頭寨十里唐頭寨至小沙河五里小  
沙河至渾水汪十五里渾水汪至降河三十里  
降河至久山河十里久山至大沙河二十里大  
沙河至泊油河十五里泊油河至套河十五里  
套河至沙頭河十里沙頭河至大溝河三十里大

溝河至桑句河三十里桑句至徐家溝十里徐家澗至乞溝河七十里乞溝至大沽河二十里大沽至天津衛一百五十里天津至張家灣一百八十里通計淮安至張家灣海道水程共三千三百九十里

### 海運標識

隆慶辛未海運初雇海鵬船五隻分載米二千石每駕船十二人自淮安至天津試運無礙海泊灣泊舟行停泊宜在舊設墩上畫設旂幟夜

人海記

卷上

二

懸燈籠以便趨集嘗攷平江伯陳瑄督海運於靈山建烽火臺高三十餘丈今宜師此意多爲標識云

叅林雜組

### 選庶吉士

大明官制一書不載翰林院庶吉士蓋官制定於洪武年間而庶吉士則始於永樂二年甲申也似宜補入按永樂二年三月己酉選庶吉士楊相等五十人並習文湯流王英等十人並習書四月甲申進士沈升等俱改庶吉士修書五

月辛丑諸司辦事進士能書者曾慎等二十九人爲庶吉士一科凡四選

鹿園

崇文門外二里大通橋東園舊參鹿處地平如掌漫衍可數里名鹿園

寶坻銀魚

寶坻銀魚似吳中膾餘而大倍之出海中船山下霜降後泝流而上育子諸淀中夏霧映日波浪皆成銀色土人候其至網之瓦窰頭出者最

人海記

卷上

七

佳明朝命內監提督冬月抱子以冰進縣設六廠漁戶一百七十人歲進凡七次

蘆溝橋石獅

蘆溝橋石獅兩行共三百六十八

懋題草

石經山在房山縣西南四十里生懋題草他處所

無

懋古莎字前漢地理志有懋題縣

長平公主

長平公主崇禎周后所出甲申春年十五議降



周太僕某子世顯將築館遭國變帝以御劍斫右臂斷腕賊以貴主已殞授屍國戚五日復甦順治三年公主上書願皈依空門上不許詔求元配周世顯應詔起卽故武清侯之第賜金錢牛車莊一區田若干頃俾成禮時乙酉六月上浣也明年丙戌八月十八日薨年十七詳華亭人張宸記事及吳梅村集中孫侍郎承澤春明夢餘錄則謂公主甲申年十五傷右臂肩際明年乙酉九月成婚丁亥年卒年月互異不知人海記

卷上

六

孰是

公主名徽妮見春明夢餘錄

續文獻通考

華亭王圻續文獻通考藝文類中載琵琶記樂府水滸傳又明朝宗室鄭趙襄荆淮滕梁衛八王並仁宗子而云成祖子其誤尤甚

衡術

京城各巷曰某衡術其義無所出謝肇淛五雜俎曰閩中方言家中小巷謂之弄南史東昏侯遇弑於西弄卽巷也元朝經世大典謂之火衡

後因訛爲衛術

惠世揚

惠世揚米脂人萬曆甲辰進士歷刑部侍郎李自成故牧卒也嘗給事世揚之家及僭號語人曰得惠先生來則甚幸因致書世揚卽至拜右平章時左平章則牛金星也自成敗從本朝兵入燕三年不見用後放歸綬德副總兵王永強作亂劫世揚從軍敗於朱原鎮永強自縊世

揚不知所終

粟林  
紹組

人海記

卷上

元

節慎庫元寶

北京戶部節慎庫金銀元寶各一蓋鎮庫之物以梯登其上其邊尙高於人上刻永樂九年

左蘿石遇害

左蘿石懋第北使被幽宏光敗報至攝政王使

人宴左侍郎飲酣語曰此太平宴也左問所自曰江南破矣左悲不自勝仆席於地作絕命詩  
閏六月十八日遇害都人吳某收殮同時被難者五人其一則兵部司務加職方主事崑山陳

用極也

棗林雜組

### 大隆善寺

魏廣孝諡恭襄初從祀太廟嘉靖中移大隆善寺故元崇國寺也今斥爲馬廄

### 于忠肅祠

崇文門內舊有于忠肅公祠萬曆乙未二月己未敕建額曰忠節本朝順治中公像被毀吾邑人談孺木作弔于太傅祠文以憫之今相傳爲京師城隍神

### 人海記

### 卷上

三

### 八功德水

南京靈谷寺琵琶街側有池曰八功德水今涸按八功德水見佛書在天竺國一清二冷三香四柔五甘六淨七不噎八除病

### 各省湯泉

各省俱有湯泉北直十三江南十三山西十一山東十七河南十陝西十四江西十七湖廣十六四川八福建六十一廣東十五廣西三雲南十八浙江三貴州二大抵其下有白礬丹砂硫

黃三物乃蒸爲煖流後周王褒溫泉銘云白礬  
上徹丹砂下流明廣陵桑喬云雷火所灼其氣  
亦疏蓋極陽之氣也

明朝諸陵

明朝諸陵孝陵

太祖

在應天府朝陽門外鍾山懿

文太子祔葬於側曰東陵長陵

成祖

在昌平州城

北天壽山自紅門進御道凡二十餘里舊名東

莊子山永樂七年卜建改名天壽後視高山數

十重來龍不斷明堂平闊祔葬十六妃獻陵宗仁

人海記

卷上

三

在長陵右祔葬四如晏陵

宣宗

在長陵左祔葬七

妃裕陵

英宗

去昌平二十五里獻陵之西祔葬十

八妃茂陵

憲宗

去昌平二十七里裕陵西北祔葬

十四妃泰陵

孝宗

在茂陵西無祔康陵

武宗

去昌平

三十五里泰陵之西九龍池環其前永陵

昌平十八里長陵之東南兵部侍郎餘姚駱用

卿所擇祔葬妃三十嬪二十六昭陵

穆宗

定陵

在太峪嶺徐尚書學謨所擇時通政司參議梁

子琦等難之爲輔臣申時行王錫爵所斥崇禎

初尙書姚思仁督理多朽石吾邑陳與郊以給事中巡工言壽宮五室中三間待衙四隅雜以鐵索各大銅缸注油左右室通門待中宮及副帝所生母升耐神廟閱壽宮自坐石室飲酒慶陵光熹宗德陵熹宗石橋高不五尺長不五丈砌石無多而耗二十萬金且陵地窄甚僅當兩山之腋在永陵左砂相距不百步也思陵懷宗在紅門西三里與諸陵隔河諸陵在河北思陵獨在河南卽故皇貴妃田氏園諸陵明樓俱有碑題某宗

人海記

卷上

三

皇帝之陵祿恩門內有碑俱無字闕以木柵

本朝入關惟定陵獨被燬餘仍令太監守護康

熙二十〇年添設守備一員

### 北京廣寒殿

皇城北苑中有廣寒殿相傳遼后梳妝樓成祖定鼎北京詔勿毀以垂鑒戒萬曆七年五月四日樓傾梁上金錢百二十文云至元通寶則樓劫於元初非遼時物矣 張江陵雜著

### 桑乾河塔

涿州桑乾河中有塔名鎮河嘉靖元年塔崩內  
有古錢皆飛空如蝶自後河水不時泛溢

涿州志

煖鋪

都御史葉盛巡撫宣大於沿邊孔道俱設煖鋪  
卽唐人邊鋪也

蘇州冰廠

蘇州冰廠明季已有之凡十六所 本朝兵始  
至問廠何爲曰藏冰者謂伏兵也焚其五始悟

堂聯

人海記

卷上

三

一品榮歸日雙親未老時

嚴文靖公堂聯

無毀無譽三

代直道而行知止知足四時成功者退

申文定公堂聯

財不求贏敢爲子孫益過位常踰分當思齒德

難兼

陸五臺聯

觀此足見盛世縉紳氣象

宋文貞碑

沙河縣宋文貞公

環碑斷沒土中

正德丁丑縣

令方思道治鐵二百斤貫而續之今尚存不甚

剝蝕德清談未庵宰此邑曾以搨本見貽

活築惰工

保定有定霸城宋楊延朗所築金時以其磚他  
用其土基尙存嘉靖中霖雨潰城西北隅得人  
骨數十具植立土中髑髏各戴兜鍪旁倚兵仗  
言刻云活築惰工百戶徐瑾一行兵役見者悚  
然長安客話

### 大藤鼓

成化初韓襄毅雜南征平大藤峽賊斬大藤中  
空鞞革爲鼓置參府前聲震數里兵使某移於  
行臺扣之無聲移歸故處聲復鳴

人海記

### 卷上

三

### 西苑松檜

京師皇城內西苑古檜一松四並金時植嘉靖  
中封松爲指揮使其俸米專餼孤貧

### 文廟古柏

國子監文廟古柏並元許文正公手植

### 天壇榆錢

京師外城天壇坳榆錢凡榆春錢獨天壇之榆  
以秋

### 報國寺矮松

報國寺舊有矮松二株其右尤奇幹長不過數尺而枝橫數丈文人往往觴詠其旁自內城隍廟市移於此每月三度爲梶馬之具數年無復存矣

古槐

槐樹斜街卽土地廟斜街舊時古槐夾路今每月逢三日爲市集槐亦僅有存者

昌平古槐

昌平州天壽山古槐相傳竇禹鈞家物樹中楊

人海記

卷上

三五

可布三五席稱竇家槐按禹鈞周之諫議大夫也故居在薊州城東今其地尙有竇氏莊

樓桑村

涿州西南十五里樓桑村昭烈故居按本紀道右有大桑高十丈如羽葆乙丑二月同楊嵩木游此覓土人爲鄉導至則頽垣破廟問所謂樓桑無能指其處者廟創於唐乾寧五年先主像與關張並刻

鷹爪稗



三峽產雲南稗一名鷹爪稗播種畦植與五穀  
爭價他處所無也

採參

遼陽東二百餘里山深林密不見日色下產人  
參其苗高出百草之上採參以夏五月裹糧披  
榛而入或迷徑爲虎狼所噉或人相遇弱者死  
强者櫻所有而出以地近 皇陵恐傷龍脈邇  
者挖參之禁甚嚴罪至殊死而趨利之徒輕生  
不顧也

人海記

卷上

三六

大內瓜子

大內多異物歲一閱視出之庭有瓜子長五六  
寸闊如之不知何地所產袁貴妃父祐說見楊士聰

玉堂  
舊記

早金蓮花

早金蓮花五臺山出瓣如池蓮較小色如真金  
曝乾可致遠初友自山西歸有分餉者以點茶  
一甌置一朵花開沸湯中鮮新可愛後扈從出  
古北口外塞山多有之開花在五六月間一入

秋壘林俱萎矣

各省貢茶

各省歲貢芽茶共四千二十二斤內江南宜興  
縣百斤六安州三百斤廣德州七十二斤建平  
縣二十五斤浙江長興縣三十五斤即界茶峽  
納南京  
縣十八斤會稽三十斤永嘉十斤臨安二十斤  
宣陽二十斤龍游等縣共二十斤慈溪二百六  
十斤宋置茶局進  
貢元明因之麗水二十斤金華十二斤臨  
海等縣共十五斤建德五斤淳安五斤遂安壽

人海記

卷上

七

昌二縣共六斤桐廬二斤分水一斤江西南昌  
府七十五斤南康府二十五斤贛州府十一斤  
袁州府十八斤臨江府四十七斤九江府百二  
十斤瑞州府三十斤建昌府二十三斤撫州府  
二十四斤吉安府十八斤廣信府二十二斤饒  
州府二十七斤南安府南康縣十斤湖廣武昌  
府六十斤岳州府湘陰縣六十斤寶慶府邵陽  
縣二十斤武岡州二十四斤新化縣十八斤長  
沙府安化縣二十二斤寧鄉縣二十斤益陽縣

二十斤福建建寧府建安縣一千三百六十斤  
內探春二十一斤先春六百四十三斤次春二  
百六十三斤紫笋二百二十七斤薦新二百一  
斤崇安縣九百四十一斤內探春三十三斤先  
春三百八十斤次春一百五十斤薦新四百二  
十八斤淮南宋時蘇州茶額六千五百斤元無  
額明納錢三百十九萬三千有奇 成化三年  
南戶部奏準供用庫歲用芽茶坐派池州府三  
千斤徽州府三千斤茶葉徽州府三千斤蘇州

入海記

卷上

美

府三千斤滁州府三百斤徐州二百斤和州三  
百斤廣德州三百斤 四川茶園十株取一微  
茶二兩茶四十斤易蕃馬一匹李文忠以茶五  
十餘萬斤易馬一萬三千五十八匹今茶課本  
色十五萬八千八百五十九斤係石泉建始長  
寧等縣并建昌天全烏蒙鎮雄永寧九姓土司  
辦納 陝西茶課今五萬一千三百八十四斤  
係興安紫陽石泉漢陰西鄉茂辦 宋元時貢  
芽茶以建安爲上明朝不貢閩茶卽貢亦備宮

中洗濯甌盞之用貢使率齎銀抵京買納問有  
采辦亦取諸延平非武彝也延平人呼製茶者  
曰碧豎

龍生九子

龍生九子蒲牢好鳴囚牛好音螭吻好吞嘲風  
好險睚眦好殺夔夔好文狴犴好訟狻猊好坐  
霸下好負又博物志憲章好囚饕餮好水蜥蜴  
好腥蠪蚺好風雨螭虎好文采金狔好煙椒圖  
好閉口蚺蛟好立險鰲魚好火金吾不睡皆龍

人海記

卷上

三

種也

張真人侍兒

平湖徐在中以工部郎分司張秋張真人舟過  
其侍兒膚貌清麗徐見而謹之真人曰先生宜  
自重此某地龍也徐不信命進盤水侍兒躍入  
雷雨應時而作

龍朝璽書

萬厯己卯行人謝杰使琉球航海颶風作大雷  
雨有二龍挂於檣上一長年曰此來朝璽書耳

急扶杰書免朝二字示之卽退

龍涎香

龍涎香出蘇門答刺國其國西有龍涎島國人駕獨  
巫里洋洋中羣龍交戲其上遺涎焉國人駕獨  
木舟伺采之每一斤其國值金錢一百九十二  
枚準中國銅錢九千文嘉靖二十四年下戶部  
取龍涎香百斤徧市不得廣東藩司購每斤懸  
價千二百金僅得十一兩進內驗不同仍亟取  
眞者廣州獄囚馬那別的貯有一兩三錢上之  
人海記

卷上

三

黑褐色密地都密地山夷人繼上六兩白褐色  
細問狀云黑者采在水白者采在山皆眞不贗  
尋有密地山商再上通計共十七兩二錢五分  
次年進內辨驗是眞自後夷舶稍稍挾來定價  
每兩售百金其爲用入香合和能斂腦膈清氣  
數十年香味仍在焚之翠煙裊空不散涎沫有  
三品一曰泛水二曰滲沙三曰魚食泛水輕泛  
水面涸人伺龍出隨取之可入藥用滲沙則凝  
積多年滲沙中魚食則化糞散於沙上皆不中

用而魚食有二種海旁有花若木芙蓉者春夏  
開盛開花墮海中大魚食之或先食龍涎則腹  
中脹滿昂頭向石上吐沫乾取可用惟糞者不  
佳

禁織蟒

宏治元年左副都御史邊鏞奏禁織蟒云爾雅  
蟒者大蛇也蟒無角無足龍則角足具今織蟒  
俱龍非禮請禁之

脆蛇

人海記

卷上

三

脆蛇出崑崙山聞人聲卽寸斷人伺其斷鉗取  
之須寸各異處待風乾入藥若少頃無人聲寸  
寸仍續成蛇主治色癆及驚疑喪膽諸證本草

方書不載

見玉鏡  
新談

八梢魚

八梢魚灰褐色無鱗腹圓口生腹下後拖八尾  
產遼東海中永平太守盧騰龍以餽明相國庖  
人來詢魚治之法余亦不知也以意答之用滾  
水燻去其皮其尾如猪小腸而色較白寸斷之

用蔥韭雜炒及登盤鯉氣觸人不堪下箸而一  
統志載入遼東物產太守以充土貢何所取也

布衣獻鰯魚

通州人葛原六以布衣獻鰯魚百尾時用法嚴  
或阻之原大笑曰爾不上食父母耶君猶親也  
庸何傷及至上召問曰魚羹何如對曰臣未進  
不敢嘗也上大悅命賜酒食仍還其一曰勞汝  
其後歲進至九十九尾著爲令

棗林  
雜組

齊東野蠶

人海記

卷上

三

永樂時山東進野蠶絲製衾薦太廟羣臣稱賀  
今齊東山谷處處有之與家蠶等蠶月浴種出  
蛾散置樹上聽其眠食食柎葉者名柎紬食椿  
葉者名椿紬食椒葉者名椒紬野人伺蠶駕廬  
其下手長竿逐樹按行爲禦鳥鼠其穰者春夏  
秋歲三收焉有一種蠶之小者作繭堅如石大  
才如指頂在深谷叢林間不關人力樵牧遇之  
收曰山繭

鷓鴣米

弋陽汪少宰傳嘗赴中官席飯僅半甌香滑而膏異於常產問所出則蜀中歲進其米生於鷓鴣每尾止取二粒放去明年仍可取也

### 西苑獅

西苑獅日食一羊西域胡人主之白布纏首金帶衣綠食三品料

### 明孝陵享殿

明孝陵享殿太祖高皇后南面左淑妃李氏生懿文太子秦愍王晉恭王次皇妃某氏生楚王人海記

### 卷上

三

魯王代王郢王齊王谷王唐王伊王潭王又次貴妃某氏生湘王肅王韓王藩王又次貴人某氏生遼王又次美人某氏生寧王安王俱東列碩妃生成祖獨西列見南京太常志孝慈皇后顯然無子而弇州別集同姓諸王表自懿文成祖外秦愍王棟晉恭王櫛周定王櫛俱母高皇后吾學編亦然與志不合不可解也

### 鄭貴妃

鄭貴妃父承憲貧甚以女許孝廉某爲妾臨別



悲慟孝廉憫之遣還不責聘鄭感其意脫隻履  
與孝廉矢報已而入宮大得幸念前事而忘孝  
廉名命小璫售履於市索直若干無應者時孝  
廉計偕聞而往合其履如泣告於上曰非若人  
妾不及執巾櫛矣亡何孝廉謁選得善地厯官  
鹽運使貴如後生福王常洵有如意之愛上書  
其名於金盒屬如藏之約他日以爲東宮辛丑  
十月皇長子受冊如持盒泣訴之上啓書字俱  
蝕歎曰此天也如卒後諡恭恪惠榮和靖皇貴  
人海記

卷上

三

如

周后田如

孝節貞肅淵恭莊毅烈皇后周氏父奎蘇州人  
微時寓京師寄食爲人筮庫元配生子鑑繼丁  
氏生子某及后信王選妃后與焉信邸入正大  
位后生東宮及定王貴妃田氏生永王及悼靈  
王貴妃寵日甚意圖奪嫡一日永和宮婢貴妃居永  
和於金狻猊下誤觸定王中宮銜之每上召貴  
妃如例御鳳輿小璫昇之是日昇以宮婢上問

故曰小璫多恣肆無狀叩其實曰聞坤寧宮小璫狎宮婢故遠之耳上色動而搜其處大得狎具蓋宮人各侶其璫所謂對兒也一名對食上驟怒立譴諸小璫中宮因懟恨成疾嘔血有老宮人曰田氏宮中獨無對兒乎亦可搜也已而果然上疑始釋都督田宏遇聞之大恐嫉貴妃上章引咎上意解令省愆例閉中門從旁門出且以章示中宮明無嫌也其章出御史湖南劉興祥手蓋宏遇所囑云貴妃薨明年春宏遇復

人海記

卷上

三五

進少女年十三見寵欲卽進封司禮太監某言某貴妃以選入非外進也乃止賜珠簾等物亂後貴妃妹走天津珠簾仍在後爲朝士某妾按田貴妃名秀英其妹名淑英

徐妙錦

徐中山第三女名妙錦文皇欲娶爲繼后女不可因不嫁而爲尼嘗論革除事建文君當坐殿上燕王至苟不讓則死何必自焚竄每語遜國事未嘗不痛哭也

宜興賜死

崇禎十六年五月大學士周延儒放歸復見微知不利求解於中宮賂嘉定伯周奎十萬金達之中宮請授指東宮東宮每晨謁及是啓曰近來久不見周先生何也上曰爾何自知周先生答曰父皇嘗稱周先生故知之上曰此非好人今不得稱先生上心知其奸尋賜死其日黎明錦衣同法曹至私第排闥而入家僮各驚匿周求青衣未得緹絞脫而衣之拜命飲泣求筆墨

人海記

卷上

三

占句倉皇不屬使者促之投筆就縊

張敬修遺辭

萬曆十二年故太師張居正子禮部主事敬修自縊遺辭其略云五月初三日邱侍郎至府初四日卽差官提敬修面審大意坐先公以二百萬家貲又要攀承天夷陵本縣三家坐曾確庵家寄銀十五萬坐王少方家寄銀十萬兩坐傅大川家寄銀五萬兩只得從當事之意料三家斷不能完結此事吾日後何面目見之又以母

子叔姪恐團聚一處有串通之弊於五月十一日牌追令隔別不得接語幽囚倉屋風雨蕭蕭青草鳴蛙無不助余之悲悼遭時如此已無生路不得已託言片楮以代剖心此書送各司道一日五月十日寫完以期必遂而夢兆稍吉不果至十三日各欽差上司會審叔姪俱嚴刑拷訊父母遺體平生眼不見刑具脆薄之軀豈能勝之此數之莫可逃也任巡按活閻羅你也有父母妻子之念何忍殺人媚人如此之酷烈

人海記

卷上

三

也有便乞傳山西蒲州相公說張門事已完結矣無煩望念願你輔佐聖明天子於億萬年也云云按邱侍郎名樞齊人懸臙酷拷貽楚忠數年卒無子任巡按名須更考

歲朝春楹帖

康熙乙丑年元旦立春有大老醫門云歲朝春百年難遇聖天子萬壽無疆按崇禎元年元旦立春陳眉公用此聯作楹帖

戊祭

郊上辛社稷上戊文廟上丁戊在丁後故先丁如十日丁則一日戊當先戊而後丁宏治間吏部主事楊子器上言戊從初十之丁則次戊非上戊也時無諳禮者竟寢不行

李暉嗣集

### 四明中秋宴

四明中秋宴飲以八月十六日相傳史彌遠官臨安還家度節沮風是夕始到遂沿爲俗葉業師云

### 朔望行香

人海記

卷上

三

洪武十七年敕每月朔望祭酒以下行釋菜禮郡邑長以下詣學行香按北齊每月朔望祭酒博士諸生展拜階下郡縣朔朝朔日行禮如此其後遂以朔望行香朱子曰謁宣聖焚香不是古禮捻香不當叩頭只直上捻香卽出笏叩頭而拜由是觀之則宋亦然矣但儀節與今不同今只行拜禮

此出澄海縣志東陽王嘉忠著

### 海岱門火藥

康熙甲子秋九月海岱門內地中忽作聲有光

如電初以爲地震也已知其地舊埋火藥覆大石板上土厚尺餘不知何故忽發飛石所中凡傷二百餘人

二雨辨

無錫邵文莊寶二雨辨云雲興於山勃然滿盈

旣蘊而隆以雨者山雲也謂之山雨雲興於海倏然瀾漫旣翕而盛以雨者海雲也謂之潮雨海雲之雨乘風以行雷鳴則止山雲之雨挾雷以動風吹則散海雨春少而秋多山雨夏多而

人海記

卷上

三

秋少

日本小曆

宏光初有攜日本小曆一紙來者字體並從本國書首題寬永二十一年及大將軍等字

石經山藏經

房山縣石經山峯巒秀拔名小西天隋大業間僧靜琬懼本教有難不能流通發願募工鑿石刊造一大藏經積於此山至唐貞觀初僅成大涅槃一部靜琬沒後其弟子遞刊造餘部歷遼

金始完一大藏貯於巖洞者七地穴者三洞鑿以石門穴鎮以浮圖自來兵燹不之及

二郎神

二郎神卽嘉州守趙煜斬蛟者也不知何代封爲清源妙道真君

泰山之高

泰山自下至巔五千二百八十四步五尺紆折爲步

皆在其中高三百八十六丈九尺一寸實十四里零八十餘步應劭漢官儀云自下至古封禪

人海記

卷上

罕

處凡四十里者妄也有泰山道里記沁水張大理五典云

飛來峯佛像

靈隱飛來峯元僧楊連真伽徧鑄佛像明嘉靖

朝太守福清陳仕賢壬戌進士以楊及鄭僧聞僧三

石像斷其首瘞獄中獄中大疫或云誤毀佛像也

入蜀三谷四道

入蜀有三谷四道西南曰褒谷從褒入南曰駱

谷從洋人東南曰斜谷從郿入其所從皆殊舊志謂首尾一谷者非也其棧道有四從成和階文出者爲沓中陰平道鄧艾伐蜀由之從兩當出者爲故道漢高帝攻陳倉由之從褒鳳出者爲今連雲棧漢王之南鄭山由之從城固洋縣出者爲斜谷道武侯屯田渭上由之丁卯吾鄉許編修典四川鄉試欲強余同往余不果行爲詳考道里以當贈行之篇

甲申京師之變

人海記

卷上

望

甲申京師被陷始末詳談孺木金陵對泣錄中今全錄於後云光祿寺署丞膠州高宏商自賊中脫歸秋末省其兄相國備述前厄云三月己丑朔甲辰上召考選中外官三十三人於中左門諭曰國家多事南寇北虜聞寇已薄固關雖無確報可謂迫於門庭朕已修省待咎此時何以撲勦何以安人心何以生財何以足用爾等其熟計之滋陽知縣黃國琦首對曰賊之驕由於招撫從來招撫無裨於事上聞安人心對曰



安人心不難在於聖心聖心安則人心自安上  
首肯筆記其名又問生財對曰今生財云加派  
云捐助俱非也豈非一而再再而三乎皇上宜  
搜內藏盡所有以爲外用上又首肯因問用人  
對曰天下未嘗無人但人未必爲用上大是之  
立除兵科給事中餘以次對本畢俄傳外札上  
手折視訖倉皇遽退各官不敢散已傳駕回宮  
各官乃散知賊已至昌平也各官環閣臣於御  
河橋楊觀光等責以城守事魏藻德曰大家做

人海記

卷上

聖

靠不得一人是日內閣課庶吉士東宮日講官  
劉理順何瑞徵講論語首章末竟賜茶退夜二  
十刻部推左懋泰戎政兵部右侍郎總督城守  
未報乙巳閉都門時傳吳三桂兵至不知卽賊  
也夜攻阜城門卽平則門并廣寧門卽彰義門西便門漏  
下二十刻礮聲漸急丁夜礮愈急賊環攻有旨  
城堵尙虛一千八百守卒俱稱無餉襄城伯李  
國楨不登陴丙午已刻賊入阜城西便二門人  
不知也丁未昧爽市人云宮女出西華門或傳

聖駕非出城辰刻宣武門北有內臣戎服可干  
駟云王太監救火呼開門答以鑰在中府擊之  
鎖未破碎或云前門開遂沿正陽門至則被大  
礮不可近自長又右門還宮已刻賊入宣武門  
肆掠內臣被禍尤慘季自成射承天門題榜矢  
中天字上馳入宮午刻僞示五城購車駕所在  
文申午前傳先帝自盡於煤山僞諭明朝大小  
官員俱限次日赴各將軍帳下具職名彙册送  
覽願復官者量材擢用不願復官者革職爲民

人海記

卷上

聖

準給路引卽放回籍敢有匿而不報兩鄰長班  
房主一併誅戮自是各官俱分投職名權將軍  
李之家自己至爾其報七十三人劉斯球等其  
去者以革職回籍也主賊錄職名籍貫履歷寓  
舍僮婢長班錄訖皆驅對廳錮之工部侍郎陳  
必謙不卽入擊以輿擯己酉先帝后移東華門  
席舍武選主事大足劉養貞出私錢八千得柳  
布衣胸題朕旣喪國無顏冠冕見人是日同先

后長椅昇出先后衣笄甚肅鼻微傷其裳紉絡  
越三日賊出梓宮二一丹漆一黝漆改殯焉先  
帝翼善冠龍袍玉帶滲金靴先后袍帶亦如之  
定王騎驟來臨不敢哭而去次東宮亦騎驟至  
衣褻帽觸地良久雖不哭隱痛不能起賊擁  
之去諸臣臨哭可四十餘人臨而不哭者三十  
餘人養貞日侍側哀毀被執至李友家友據邸  
宇澹澹許錦衣宅年五十餘性兇悍所錮各官  
許家人傳餐印其面而入出卽去癸丑薄暮李

人海記

卷上

四

友傳各官各據朝本朝見光祿寺監事林藹友  
尙朝本何若有佐史吳某云紅摺黃面關職名  
朝見藹友如其言餘仿之刑部尙書張忻言黃  
摺非所用付紅單職名酉刻李友列騎七十三  
隊隊騎各五露刃押諸臣赴窩鋪僞將劉宗敏  
押千六百餘人夜半叱起俱蓬垢入予匹馬飛  
馳入西長安門過御河橋皇上夾道進東華門  
始知非朝也至會極門僞相牛金星深衣盤坐  
崇隆上面東向右侍郎宋企郊盤坐金星側北

向金星據縉紳錄一部殊筆點唱先令甲科打  
恭餘誦鄉貫論高聲以應或託疾則令扶候合  
選卽圈於錄上赴部聽銓選注畢且各回營奔  
仆數人乙卯又選各官昧爽由午門入會極門  
牛金星宋企郊如前唱選預名者令候會極門  
名則出東華門或令出西華門不解其故蓋東  
營回營西皆斬於門外凡七十六人多勦賊丙  
辰各營拷職官追賊內臣加炮烙尤慘劉宗敏  
家論官大小勒限贖完日釋之李友等各混拷  
人海記

卷上

五

不勒限李友家七十三員選用二十九人聽其  
自指夾傷十之四劉養貞再來惟呼太祖高皇  
帝這四十三兩又銀杯二又徵之不應曰我寧  
死也王都等杖斃黨崇雅除通州倉場侍郎來  
謁李友角巾綠衣諸人就問竟蹙額不答中書  
科舍人吳橋沈某始被拘佯風疾時呼流賊來  
殺流賊屢受鞭不之拷四月二十二日同釋四  
月戊午朔乙丑黃紙傳二十七日卽位塘報吳  
三桂舉兵逼京師戊辰李自成馳僞敕及吳襄

手書招之三桂碎其敕擲父書不啓斬從使四  
人釋回一人自成聞斬使大怒召李友等點兵  
五隊庚午自成脅東宮二王及吳襄東行步騎  
三十七萬戊寅吳三桂擊自成大敗僅四萬騎  
回京步卒盡沒或將李肖宇所部萬三千人才  
還騎十七庖人一家丁二云經戰十三年未有  
如此之敗者癸未午刻李自成回京入德勝門  
從馬約七千匹列東華門二十騎自御道入前  
賊總嬰兒不知何人也是日故學士楊觀何

瑞徵光祿少卿李天經李延鼎同鴻臚寺官八  
人勸進自成曰專且亟何登極之有劉宗敏厲  
聲曰已有旨明日登極各官可出料理各官退  
宗詒與自成爭曰爾幾十年辛苦一旦敗壞若  
不登極何以回關中自成默然甲申果僭號先  
燬大廟主從此壞民居運入大內爲爨具丁亥  
卯刻賊出阜城門畱卒七百餘人入大內及各  
卷縱火高宏商拘李友家被夾勒四百金詹事  
張維縉主事蕭鴻基至夾其首張尚書鳳翔前

出獄被拘勒四百金不來

中書自經

李自成入燕後拘明朝大小官員分營追賊有中書十數人同拘繫一室忽傳僞旨是夜俱令自經鑄鎖甚密外嚴兵守之各官以次雜經氣絕縋斷大半墮地伏尸相枕藉蘇州申濟芳獨不巡不就縊天黎明聞守者啓鑰入申急迫伏墳尸中詐爲死狀一守卒云生死未可知當頭人與一棍連梃數人忽一卒云料此輩已無生人海記

卷上

聖

運鞭屍何爲遽舍之出午後命各家僮識認尸首負歸殯殮申竟得脫後年八十餘卒於家太倉唐實君爲余說

福藩監國

甲申四月京報絕月餘畱都疑阻十三日有中  
人夜至內府云京師三月十九日已失守明晨  
張總憲藐山慎言偕御史周元泰朱國昌郭維  
經米壽圖至高司農宏圖確齋所少頃確齋及  
史尙書可法呂侍郎大器姜詹事曰廣集議監

國首福王或云潞王時並僑淮安高張之意屬於洛陽史頗不然之意在衛輝恐北耗未確尙爾遂巡俄奏差回自都下云三月十六日手菜筐逃出京其夕礮聲遠震迨旦寂然餘不知也諸人唯唯各散二十二日史尙書以三千騎勤王渡江俾呂侍郎攝禮部印越三日史尙書速諸臣往江浦議事侍郎得史手札卽傳示諸公素服會清議堂謀葺武英殿二十七日有中人奔南備悉凶問是日告奉先殿姜詹事撰文高

入海記

卷上

吳

尙書舉筆云神宗皇帝之第二子第一藩云云而史尙書札至意專衛輝尋又札云洛陽衛輝並南下當拈鬪孝陵之前云云無何總督鳳陽馬士英書來奉福王發淮安將及矣卽日守備南京太監韓贊周出迎二十九日王舟泊燕子磯明日抵龍江關先召見列侯次尙書史可法高宏圖程註都御史張慎言同謁舟中王左手擎史右手擎高跪泣答之角巾衣葛坐榻上衾枕俱傲蚊轉不具五月朔登三山門環城而東

諺孝陵自朝陽門入經東西華門宿外守備廳  
四日監國傳諭天下是役也南都始議未定馬  
士英成之史尚書前督鳳陽稔知福王子湛於  
酒色徐魏公宏基值高尙書於皇城下曰事亟  
矣惟賢是立何論序乎史在高郵聞福王舟近  
卽列諸臣名啓迎或云士英初意亦不專洛陽  
與史尙書同偶值福王舟擁而南背其始議後  
謂臣以兵十萬護蹕臨江欲駕南都諸公之罪  
給事中李沾謂告廟文出臣筆皆非其實也

人海記

卷上

哭

宏光年號

南渡年號閣擬定武宏光拜天探籌得宏光冢  
宰張藐山曰光字上於文爲火清朝年號曰治  
從水水能剋火奈何果如其言

馬士英忌史

馬士英挾迎駕之功自江北來朝不欲出鎮故  
事輔臣必有入閣辦事之旨士英特繫銜大學  
士非內任也竟據政府史相國因自請出鎮鑄  
督師輔臣之印士英忌史聲望遠出已上又史



先東士英有福王不忠不孝之語士英意脅之  
史求還故牘終不相忘掣肘陰螫以勞勩難混  
遂移構新建姜相國謂觀望異議冀弁陌史也

### 燕京從逆

燕京從逆諸臣畱都傳報不一其最著者鄉人  
乘怨輒馳檄聲討姑蘇則首項煜錢位坤宋學  
顯揚有慶常熟則首時敏皆焚毀屋廬尋臺臣  
嚴禁御史祁彪佳撫安蘇松常鎮誅首亂六人  
乃止

人海記

卷上

五

### 阮大鍼復用

桐城阮大鍼初附東林與嘉善魏忠節爭吏掌  
科因投逆璫歷太常少卿坐黨避禍金陵稱詩  
好客素善內臣馬應芳馬士英僑南都時時過  
從南渡初總憲張藐山改冢宰奉詔言逆案置  
弗用大鍼計沮喉誠意伯劉孔昭拉勦臣廷攻  
冢宰專右文臣自是冢宰四疏乞休士英密薦  
大鍼言其知兵立除兵部右侍郎召對以高相  
國廷爭臺省交論未拜命而心益急士英令徐

矣之及泄官每朝罷輒手招士英就語自示於  
諸紳中日同士英輩狎飲後常熟錢侍郎附焉  
錢寵姬柳如是大鍼請見貽以玉帶曰爲若覓  
恩封談孺木云

馬阮孔昭誤國

張藐山冢宰去後誠意伯劉孔昭之權日甚自  
謀入相不得乃薦兵部侍郎德清蔡奕琛南都  
之禍始於誠意潰於馬士英阮大鍼

韓贊周

人海記

卷上

五

司禮韓贊周字象雲賢內侍也宏光帝始而憚  
中而疏末且厭之嘗盛夏擊毬三人交筆不休  
贊周凝立不動十二月西宮成臨御上色不怡  
贊周請其故上曰無佳優人奈何贊周泣曰臣  
意官家思先帝乃如此抱恨乎上嘗責太監馬  
永芳爾但知印堂安知我印堂指贊周也

黃澍

黃澍本歙人年少輕狂作葉子格品第宗婦之  
貌見擯於族走杭州冒籍郡庠丙子舉於鄉明

年成進士授開封推官壬午禦流賊開渠轉粟  
河水秋溢遂灌汴城禍自開渠始又搜民間藏  
粟併金錢奪之汴人切齒及內召烈皇帝面問  
開渠者誰也委之流賊利口迅舌人莫能難以  
御史按楚未及瓜遽入朝意覬開府廷劾馬士  
英責數其罪宏光帝色動云黃澍言之有理顧  
高相國記之士英跪階下惶愧欲死出因行金  
結納內臣張執中等蓋平賊將軍左良玉嗾馬  
氏故大言清君側之惡澍出良玉手書挾鎮重  
人海記

卷上

五

以劫之及澍還按楚士英陰遣人購良玉而澍  
孤矣尋免其官畏禍匿良玉所女歸其子明年  
良玉稱兵犯闕實澍爲之厲階也

僞太后

乙酉五月南都敗士英出逃至孝陵詭飾其母  
馬太后召守陵黔兵自衛所過劫掠一空從廣  
德州走安吉知縣黃翼聖婦衙舍以停僞太后  
及士英家眷浙撫張養貞下檄安吉問太后眞  
僞翼聖啓云閣部旣眞太后亦非假張遂備法

駕迎入杭州僞太后駐朝天門東李總兵宅士  
英屯兵湧金門外王氏園潞王恭謁太后如常  
禮辭之已令如具宴入送如躬詣陪侍復峻辭  
之日夕惟與士英妻及婢數人相處人始疑其  
僞 本朝兵將至士英走台州魯王監國訪太  
后不得會稽熊少卿汝霖責士英不扈皇上乃  
母后之徇乎士英無以應

劉念臺

蕺山劉先生前削籍家居南渡起左都御史入

人海記

卷上

五

京不攜冠服先馳疏自稱草莽臣歷指時事之  
失內及逃將封爵貴陽及劉澤清忌之蓋劉自  
臨清南遁謂中其隱各疏攻先生澤清疏并列  
左良玉黃得功劉良佐高傑名請加以重饜實  
各鎮不知也先生至南京備冠服赴任士民鼓  
舞稱快羣瑞亦曰劉先生君子也恐不得久耳  
果卽引去

宏光演劇

甲申秋南教坊不足充下陳私徵之遠境阮大

鉞楊文驄馮可宗輩各購進大內嘗演麒麟傳  
奇劇未終妓人首戴金鳳者三蓋宮中例承幸  
者戴金花以自別也

南都選宮

甲申九月南都有選宮之命皇太后自於外守  
備廳擇六人未賺命再選初各官恣愼其後會  
於貢院狎笑褻視選七十餘人寢及蘇杭太后  
侍女金花年十八來自中州殊色也所選並不  
速上待如如禮明年阮大鉞入其宗女雖殊麗  
人海記

卷上

五

究不知誰氏也又書佐周某自獻其女太監田  
成來駐杭州貢院樹黃旗二選五人止王氏畱  
京上之出奔也阮氏周氏王氏命還家

宏光朝謠聯

宏光朝雜謠

宏光朝

要做官非騎馬

士卽種

太監田

聖成成

射人先射馬

士英擒賊先擒王

鐸紅花

開天子來不辦衣衫只辦鞋

又聯周延儒字

玉經先賜玉後賜繩繩繫延儒之頸一同狐狗

之頭馬士英號瑤草家藏瑤腹藏草草貫士英

之皮遂作犬羊之鞞 自成不成福王無福兩  
下皆非真主北人用牛南人用馬一般俱是畜  
生

倪爲丁許

倪鴻寶先生與同邑丁庶子進俱天啓壬戌進

士選庶常嘗中秋聯句丁首唱云中秋佳節好

吟詩爲人所哂上偶問崩字何義丁曰君死曰

崩倪曰先帝升遐曰崩進自慚漸與倪成隙倪

少娶餘姚陳氏失歡後官尙書以妾王氏膺封

人海記

卷上

五

詰丁遂修怨喉誠意伯劉孔昭許其事倪素辯  
陳氏失母意遣歸外家命娶王宜封引海瑞前  
妻許氏潘氏弗封封繼妻王氏爲例幸上不問  
倪竟以此自免歸陳氏實同母夫人居非遣歸  
者甲申末陳氏訴於朝時孔昭在事奪王氏改  
封陳氏

四鎮

史相國分列四鎮意在收江北之援卒不得其  
力先是四鎮兵各餉六十萬高傑最強悍黃得

功劉良佐次之劉澤清爲極弱史於揚州大會諸將下拜求出師傑雖跋扈頗感動遂率眾而北傑至睢州爲許定國刺死中旨切責之定國畏罪導 本朝兵南下

戶土書圈

乙酉三月初九夜嘉興府城內外居民戶上各有書圈或紅或白或書上或書日或斜書雙曉起驚異不知所自至閏六月羅兵燹惟白罔白善之家不火徐敬可云

人海記

卷上

癸

楊文驄

楊文驄字龍友貴州舉人不第宰青田量移江寧癸未蕪湖兵擾西征自效事平仍返縣任張藐山改都御史疏劾文驄榜其文不令視事明年夏馬士英入相文驄以甥壻起鎮江推官未行擢職方主事尋監軍鎮江明年五月拜巡撫僉都御史一日遽南遁時總兵鄭彩方陳列江上聞之兵立潰宏光帝聞報卽出奔迨曉馬士英亦逃南都亡

童妃

宏光卽位語輔臣以先後妻妃三時方訪母后於中州未及宮眷御史陳潛夫按河南以童氏至有司護送入京年始三旬坐詐冒下錦衣衛獄童氏從獄中上書云某年月日娶我某年月日陛下出亡所衣某色所飯何品所出何地又首帕妾所加也云云此書不知緹帥馮可宗作何狀獄上後傳聖諭有與潛夫同臥起之語絲綸之地豈應孱若此耶聞澤清婦劉氏上馬

人海記

卷上

五

士英夫人書救童氏

方國安敗降

乙酉六月 本朝兵至杭州潞王常滂張秉貞以城降兩浙風靡總兵王之仁守定海上其印都督方國安自杭走金華與朱尙書大典合兵尙書以方兵剽詐不許遂相持會山陰太學鄭遵謙倡義兵熊少卿汝霖孫職方嘉績應之寧波則刑部員外郎錢肅樂浙東響集迎魯王於台州西築土城守江國安東下富陽其下分屯



金村嶺朱橋其屯朱橋則國安兄子元振也號  
土漢營大總兵萬餘船五百餘沿朱橋列柵至  
轉塘口左江右山或說之曰山路莫要於西溪  
而橫山大嶺扼其衝旁多間道叢竹可伏兵從  
此距營二里爲清風亭以千人據之且西接五  
雲天竺可俯瞰杭州益張疑兵連合江東縱復  
不利豈能越險薄我營哉元科不以爲然元科  
亦國安兄子戎旗營三總也八月元科以三千  
騎直趨六和塔明日戰於清風亭江東兵莫敢

人海記

卷上

五八

登岸越三日 本朝兵自六和塔來攻國安浮  
江身自督戰自晨及晡國安失利 本朝兵規  
橫山清風亭俱無伏九月旣望以八百騎自清  
風亭五百騎自橫山夜去營一里乘勢奪橋橋  
隘寨門守兵皆走元科手斬數人搜柵力戰  
本朝兵登廟山望柵中白牆不相屬遂發砲牆  
傾大呼馳入方兵大潰僅得及舟而遁遂焚其  
柵自是國安不復能渡江丙戌五月大將軍貝  
勒字羅至西興荆國公將走台州馬士英以許

平王勸國安降遂解甲後與元振俱被殺

士英首逃

馬士英奔紹興辯臣非誤國又挾方國安爲重命戴罪圖功丙戌六月朔首逃

金正希

金正希先生倡義於休寧同縣令何通武遣諸生朱備迎黃澍於九江實不知澍已通款本朝也九月本朝帥張天祿略地且至戰失利先生與歙縣諸生江天乙同被執見洪承疇不人海記

卷上

五

屈遇害僧某殯之題曰赤壁金公柩扶至蕪湖閩商某薄其棺改殯焉

徐冢宰

徐冢宰虞求 石麟 原名文治本蘇郡諸生萬曆

庚子斥場屋赴南武闈舉第一被攻走江楚殆二十年青浦令其受業生也遂補諸生舉於鄉天啓壬戌成進士歷官介潔屢起屢忤乙酉閏六月二十六日本朝兵下嘉興先一夕公入城聞敗自經於故第精巖寺僧真實殯以米因

袖有詩扇蒼頭祖敏殉其旁先生有別墅在買  
家橋南其孫顯武與予善時時過話前事所著  
名可經堂集

徐公墓在園花  
鎮龍山之後

### 東明寺異人

錢塘大遮山東明寺相傳建文曾避跡於此

本朝丙戌某月某日有二十二人皆偉幹傑貌  
完胄而入命守僧以米三斗作飯豆一斗作乳  
倉卒具食僧異之問飽未曰未也亦不敢飽飯  
後徧視佛像不拜見建文像則拜而下泣一人

人海記

### 卷上

卒

在前餘隨後不敢並已而求浴裹衣朱殷膚如  
刻漆人臂二弓腰二銃試鳥雀不一失鏜仗重  
鐵度所負荷皆百餘斤其一人泣拜者挽鞭重  
數十斤合二僧之力僅能舉而被蓮之如棕拂  
竹如意問邑里姓氏不答聞其聲雉爲北人也  
問今何往則淚隱承睫曰吾糗盡游觀天下  
無可起事者吾安之乎曰三吳足賦可就也曰  
取三吳未能集事僧曰以諸公之致力赴義何  
患無成默不應諷之苦空亦不應僧曰卽出道

官兵奈何曰吾仗劍行數千里先後所值何啻  
百千彼烏能難我僧曰自此天目民寨百餘所  
稱義師能往觀乎曰曾按視一二所皆盜耳不  
定目也因問道僧述天目徑山湖州之程曰吾  
之湖州曰湖州多守兵曰固欲遇守兵遂胄而  
去每一人胄兩人力收之目欲逆火尋聞其遇  
守兵殺五百餘人而二十二人無恙愾然歎曰  
吾多殺亦何益且吾所以來豈爲此輩哉皆投  
碧浪湖死外舅陸辛齋名嘉淑字冰修述寺僧指月之  
人海記

卷上

空

語

洪武科舉

洪武三年庚戌五月始詔行科舉直隸貢百人  
河南山東山西陝西北平浙江福建江西湖廣  
各五十人廣東廣西各二十五人時直隸就試  
者百三十二人拔七十二人見考官宋潛溪鄉  
闈紀錄序試錄曰小錄按登科考無錫俞憲所  
輯中載在京鄉試直隸府州一百名河南山東  
山西陝西北平浙江福建江西湖廣廣東各四

十一名廣西二十五名與潛溪集微有不同又按  
登科考洪武三年庚戌鄉試辛亥會試以後至  
十七年甲子始復行鄉試而金華府志有庚戌  
辛亥壬子癸丑連歲開科之語紹興府志云六  
年金鑄榜不知何所出

雲貴開科

雲貴開科始永樂九年辛卯貴州時尙未附宣  
德四年雲南貴州始合試共取十一人後漸增  
至嘉靖十四年分定雲南舉四十人貴州舉二  
人海記

卷上

空

十四人

歲貢恩貢

府歲貢二人縣歲貢一人洪武二十五年定嘉  
靖十年令天下歲貢五人選其一歲貢通學考  
選至十五年终天啓元年鄉試一榜廩生準貢  
崇禎元年戊辰以登極始有恩貢乙亥通考各  
學廩生拔貢一人己卯鄉試一榜俱充貢不論

增附

教習之始

永樂二年已選庶吉士矣而戶部辦事進士嘗  
塗李衡以年少自請命改庶吉士同江寧楊寧  
吾書至宣德八年三月已選庶吉士十一月又  
選前科進士能文者徐理等十三人爲庶吉士  
命學士王直教習此教習之始也

弛會試禁

舊制貢士三科不第禁會試宏治三年始弛此  
禁

選館概課

人海記

卷上

三

宏治壬戌科選庶吉士并修撰康海編修孫清  
李廷相俱課書學士梁儲王華教習先是天順  
四年選庶吉士劉健等十五人并修撰王一夔  
編修李永通鄭環命學士劉定之侍讀錢溥教  
習此外鼎甲率不在館課之列萬曆壬辰後選  
館概課而鼎甲不出序今與庶常一例論先後  
矣

第一場五義

正德甲子四川解元周洪謨丁卯福建解元陳

俊第一場俱五義

嘉靖禮部條約

嘉靖初會場禮部條約許舉子帶洪武正韻一

部表末不用瞻天仰聖

董穀碧里雜存

正副主考分閱

科場舊規正主考閱易書二經副主考閱詩禮

春秋三經各不相涉

詞林典故

李九我

李九我舉鄉試第一申少師瑤泉卽畱爲館賓

人海記

卷上

三

轉館於歸安董宗伯家癸未李得會元申正當國廷試時文定以子用懋入試避讀卷是科秀水朱文恪公一甲第一李在第二賜第後九我見秀水頗怏怏一日秀水疾李過候坐榻旁推窗見庭松蟠屈笑曰弟嘗夢厯此境或云功名在是今得之矣名次兄後非豫兆耶自後歡洽無間

殿試策進呈

殿試策進呈必取書法整齊無舛謬者隆慶戊

辰科閣臣擬進上疑首卷有私於二甲卷首得  
羅萬化置第一其卷字多塗抹者

### 鄉試差京官

各省鄉試專遣京官始於萬曆乙酉舊正副俱  
教職由監察御史所聘布政使提調按察使監  
試彌封謄錄受卷皆有司例得讀墨卷有所識  
拔內簾無敢違者自專差朝臣內外簾始隔絕  
典試差主事

典試差部主事始於萬曆甲午禮部推湖廣主

人海記

卷上

奎

試翰林院某吏科左給事葉繼美上點葉另用  
工部主事莊懋華

### 韓敬不達

韓求仲先生師事湯宣城萬曆庚戌湯分房搜  
鄰房拔韓會元時方忌湯并攻韓竟免官終身  
不達

### 巡撫監場

鄉場監試例巡按御史或偶缺則代以巡鹽萬  
曆乙卯貢州巡撫張鶴鳴代置監試此巡撫監



場之始也

斷么絕六

萬曆丙辰會元吳江沈同和文倩第六名趙鳴  
陽作事發二人俱褫草京師以骰子戲謂斷么  
絕六

朱文恪主禮闈

天啓壬戌會試閣推何宗彥顧秉謙主禮闈上  
監宗彥忽及朱養純顧疑秀水有他故頗不懌  
後秀水捐館顧擬諡文懿朱公子力爭得諡文  
人海記

卷上

矣

格

廷試誤筆

廷試策偶誤筆以塗註不便例多任之萬曆已  
禾科狀元莊際昌醜誤膠崇禎辛未狀元陳于  
泰陽誤易榜眼吳偉業曠誤曠

會元另封進呈

殿試進呈惟會元另封此明朝舊例也今不然  
明朝宗室進士

明朝宗室進士天啓崇禎兩朝共十一人釋褐

雙河補輔國中尉惟戊辰科新建朱統錦選庶  
吉士改中書舍人復入館歷國子祭酒

同姓名張銓

萬曆甲申進士同姓名者張銓一大名人一沈  
本人俱乙亥正月二十六日生科第子女皆同  
莆田科甲之盛

莆田科甲最盛宋時進士九百七十餘人諸科  
均奏名六百四十餘人大魁五人宰輔六人明  
勇自洪武庚戌至嘉靖戊子凡五十二科中鄉

人海記

卷上

空

舉一千一百十一人進士三百二十四人狀元  
二人探花四人會元一人解元二十五人

鄉報急足

鄉報急足始嘉靖中其時舉子尙自被青袍後  
官給不知所自

選歷科程墨

選歷科程墨自萬曆庚辰錢唐人錢穀□豐實  
始錢貢宦官終曲靖知府

會試同門房刻

會試同門房刻始萬曆壬辰

一甲三人御批

明朝故事御批一甲三人卷用玉管筆拆卷在  
中極殿左

鄉會試錄序

兩京鄉試及會試試錄序皆稱臣外省則否以  
考官所自序也萬曆初上摘此以問閣臣欲罪  
之江陵員言其故乃止其後各省錄序皆稱臣

人海記

卷上

六

人海記卷上終

